

6. GODIŠNJA KONFERENCIJA AQUASAN MREŽE U BiH

Gdje su danas vodne usluge u Bosni i Hercegovini?

18. i 19. 11. 2025. godine, Sarajevo, hotel Hills

POZIV

Poštovane/i,

Udruženje za oblasti voda i zaštite okoliša „Aquasan mreža u BiH“ vas sa zadovoljstvom poziva na dvodnevnu konferenciju pod nazivom „Gdje su danas vodne usluge u Bosni i Hercegovini?“

Konferencija će se održati 18. i 19. 11. 2025. godine u Sarajevu, hotel Hills ([Hotel Hills Sarajevo](#)) s početkom u 11 sati.

Partner ovogodišnje konferencije je Ambasada Kraljevine Nizozemske u Bosni i Hercegovini.

Opći cilj konferencije je omogućiti razmjenu znanja, iskustava i dobrih praksi s ciljem da se doprinese prevazilaženju postojećih izazova i razmotre mogućnosti za dalja unapređenja sektora vodnih usluga u BiH.

Specifični ciljevi konferencije:

- Omogućiti dijalog ključnih aktera u sektoru vodnih usluga kroz zajedničku analizu izazova, predstavljanje primjera dobre prakse i usaglašavanje preporuka za unapređenje sektora;
- Doprinijeti jačanju kapaciteta sektorskih institucija, jedinica lokalnih samouprava (JLS), javnih vodovodnih/komunalnih preduzeća (JVP/JKP) radi unapređenja kvaliteta, efikasnosti i dugoročne održivosti vodnih usluga;
- Podržati nastavak saradnje među učesnicima te jačanje koordinacije, umrežavanja i zajedničkog djelovanja na svim nivoima.

Konferencija se održava s namjerom da se odgovori na potrebe sektora vodnih usluga u BiH koji se kontinuirano suočava s brojnim izazovima, ali i prepoznaje prilike za njihovo rješavanje i potiče na dalji napredak. Cilj nam je otvoriti prostor u kojem se oblikuju nove ideje i partnerski odnosi koji mogu doprinijeti razvoju kvalitetnijeg i održivijeg sistema pružanja vodnih usluga građanima.

Podršku realizaciji konferencije pružaju:

Konferencija će okupiti velik broj aktera iz sektora vodnih usluga u BiH s lokalnog, kantonalnog, entitetskog i državnog nivoa BiH te država jugoistočne i zapadne Europe kao i predstavnika međunarodnih razvojnih partnera i finansijskih institucija koji djeluju u BiH. Kao i prethodnih godina, očekuje se veliki broj gradonačelnika i načelnika općina/opština iz BiH, direktora i zaposlenika JVP/JKP iz BiH, nadležnih ministarstava, agencija za vode, fondova za zaštitu okoliša, predstavnika privatnog i nevladinog sektora te gostiju iz susjednih država.


Kratki dnevni red i sadržajni pregled konferencije se nalaze u nastavku pozivnice.

Organizator je osigurao finansijska sredstva za pokrivanje troškova kotizacije i organizacije konferencije uključujući i troškove kafe pauza i ručka tokom oba dana konferencije. Troškove smještaja i prijevoza učesnici snose sami, kao i organizaciju hotelskih rezervacija.

Molimo vas da popunjeni obrazac za prijavu učešća koji se nalazi u prilogu dostavite najkasnije do 24. 10. 2025. godine putem e-mail adrese: info@aquasanbih.ba.

Za sva dodatna pitanja i informacije vam stojimo na raspolaganju.

S poštovanjem,



Vesna Muslić
predsjednica Aquasan mreže u BiH

Podršku realizaciji konferencije pružaju:

DNEVNI RED

PRVI DAN, 18. 11. 2025. godine	
10:30 – 11:00	Dolazak i registracija učesnika
11:00 – 11:45	Otvaranje konferencije - Riječi dobrodošlice - Uvod u konferenciju - Doprinos Aquasan mreže u BiH sektoru vodnih usluga u BiH
11:45 – 13:15	Sesija 1: Okvir za pružanje vodnih usluga - Status reforme/modernizacije sektora vodnih usluga: povratna informacija sa sastanka Platforme za dijalog - Pozicioniranje resora vodoprivrede u ministarstvo okoliša/zaštite životne sredine - Panel diskusija
13:15 – 13:45	Pauza
13:45 – 14:45	Sesija 2: Efikasnost kroz nove modele funkcionisanja JVP/JKP - Razgovor s povodom: Okrupnjavanje JVP/JKP – iskustva R Hrvatske - Pitanja i odgovori, diskusija
14:45 – 16:15	Sesija 3: Primjeri dobrih praksi Poster prezentacije dobrih praksi na temu povećanja energijske efikasnosti, ušteda kroz smanjenje prividnih gubitaka, funkcioniranje postrojenja za prečišćavanje vode za piće
16:15 – 16:30	Završetak prvog dana konferencije
16:30	Ručak

Podršku realizaciji konferencije pružaju:

DRUGI DAN, 19. 11. 2025. godine

08:30 – 08:45	Otvaranje drugog dana konferencije ▪ Osvrt na prvi dan konferencije ▪ Kratki uvod u drugi dan
08:45 – 10:15	Sesija 4: Upravljanje komunalnom infrastrukturom ▪ Modeli knjiženja imovine u glavnu knjigu stalnih sredstava ▪ Panel diskusija
10:15 – 10:45	Pauza
10:45 – 12:15	Sesija 5: Cijena vodnih usluga ▪ Dobra praksa izračuna i usvajanja cijena vodnih usluga ▪ Panel diskusija
12:15 – 12:45	Pauza
12:45 – 14:45	Sesija 6: Kako bolje upravljati otpadnim vodama? ▪ Primjenu, prednosti i potencijali decentraliziranih sistema otpadnih voda i pristupi njihovom prečišćavanju ▪ Zajednica praktičara operatera postrojenja za prečišćavanje otpadnih voda u BiH ▪ Panel diskusija
14:45 – 15:00	Završna sesija i zatvaranje konferencije ▪ Završna razmatranja ▪ Zaključci i preporuke
15:00	Ručak

Podršku realizaciji konferencije pružaju:

TEME KONFERENCIJE

Sesija 1: Okvir za pružanje vodnih usluga

U uvodnoj sesiji, konferencija će učesnicima pružiti osnovne informacije o trenutnom statusu reforme sektora vodnih usluga u Bosni i Hercegovini, odnosno u oba njena entiteta, postignutim rezultatima i narednim koracima reformskog procesa. Pored toga, tokom ove sesije učenicima konferencije će biti prezentirana inicijativa institucionalne reorganizacije sektora vodoprivrede (voda) i zaštite okoliša, odnosno prijedlog spajanja resora vodoprivrede i resora zaštite okoliša unutar jednog organa javne uprave (ministarstva), uključujući i prednosti objedinjavanja ova dva sektora. U drugom dijelu sesije je planirana panel diskusija sa nekoliko predstavnika različitih sektorskih institucija i zajedničko učešće svih učesnika konferencije kroz pitanja i pojašnjenja.

Sesija 2: Efikasnost pružatelja vodnih usluga kroz nove modele njihovog funkcionisanja

Tokom ove sesije, konferencija će osigurati učesnicima uvid u najvažnije informacije procesa okrupnjavanja pružatelja vodnih usluga koji se trenutno provodi u Republici Hrvatskoj. Ciljevi okrupnjavanja se odnose na unapređenje usluga korisnicima usluga, povećanje efikasnosti pružatelja vodovodnih usluga (JVP/JKP), smanjenje neprihodovane vode, povećanje kadrovske i financijske sposobnosti, racionalizaciju upravljanja vodovodnim sistemima i sistemima javne odvodnje. Učesnicima će pored ostvarenih postignuća biti prezentirani ključni izazovi, postignuća naučene lekcije i stečena iskustva i prakse. Nakon prezentacije, moderator će provesti kratki intervju sa stručnjakom iz Republike Hrvatske kako bi učesnicima konferencije zajednički prenijeli preporuke za eventualno provođenje sličnog projekta u Bosni i Hercegovini.

Sesija 3. Poster prezentacije sa primjerima dobrih praksi

Učesnicima će putem poster prezentacija biti predstavljeni primjeri dobre prakse, naučene lekcije i stečena iskustva o nekoliko vrijednih sektorskih postignuća vezanih za optimizaciju funkcioniranja pružatelja vodnih usluga, povećanje energijske učinkovitosti pumpnih postrojenja, smanjenje prividnih gubitaka vode, poboljšanje rada postrojenja za prečišćavanje pitke vode i sl. Učesnici konferencije će imati priliku da posjete postavljene postere sa različitim postignućima, posebno one od interesa za njihov rad i rad njihovih institucija i organizacija te tom prilikom poslušaju prezentacije domaćina koji su pripremili poster prezentacije. Domaćini poster prezentacije će pripremiti kratka izlaganja vezana za pristup i metodologiju rada, dati odgovarajuće preporuke i odgovoriti na pitanja učesnika konferencije. Cilj sesije poster prezentacija sa primjerima dobre prakse je da potakne aktivno sudjelovanje svih učesnika konferencije, razmjenu znanja i praktičnih rješenja koja se mogu primijeniti tokom procesa organiziranja i pružanja vodnih usluga.

Podršku realizaciji konferencije pružaju:

Sesija 4: Upravljanje komunalnom infrastrukturom

Ova sesija se fokusira na ključne pristupe upravljanju imovinom u JVP/JKP, s posebnim naglaskom na identifikaciju, popis i uknjiživanje stalnih sredstava u glavnu knjigu stalnih sredstava u skladu sa važećim zakonskim propisima i računovodstvenim standardima (MSFI, MRS). Učesnici će imati priliku da se upoznaju s primjerima dobrih praksi i da saznaju informacije koje im mogu pomoći da unaprijede upravljanje imovinom u svojim JLS i JVP/JKP. Sesija uključuje i panel diskusiju koja će omogućiti učesnicima konferencije da razmjene iskustva, diskutiraju o izazovima i ponude praktične preporuke za zakonito i efikasno vođenje evidencije stalnih sredstava u JVP/JKP.

Sesija 5: Cijena vodnih usluga

Učesnicima konferencije će biti prezentiran primjer dobre prakse i omogućena panel diskusija na temu izračuna ekonomskih cijena vodnih usluga vodosnabdijevanja, odvodnje i prečišćavanja otpadnih voda. Učesnici će imati priliku da saznaju najnovije informacije o primjeni tarifne metodologije te stečena iskustva i naučene lekcije vezane za proces izračuna ekonomskih cijena vodnih usluga, izradu višegodišnjih planova usklađivanja cijena, procese usvajanja cijena vodnih usluga od strane osnivača, te utjecaj ekonomskih cijena vodnih usluga na operativno i finansijsko poslovanje JVP/JKP nakon njihovog usvajanja.

Sesija 6: Kako poboljšati upravljanje otpadnim vodama?

Ova sesija će se baviti upravljanjem otpadnim vodama istražujući primjenu, prednosti i potencijale decentraliziranih sistema otpadnih voda i pristupima njihovog prečišćavanja zasnovanim na prirodnim rješenjima. Predstavit će primjere iz Nizozemske o tome kako javni i privatni sektor zajedno mogu postići dugoročno efikasnije i održivije upravljanje otpadnim vodama te kako odabrati najoptimalnije tehnologije prečišćavanja otpadnih voda. Pored navedenog, sesija će omogućiti učesnicima konferencije da se upoznaju s razvojem Zajednice praktičara operatera postrojenja za pročišćavanje otpadnih voda u BiH i njenim dosadašnjim postignućima i proizvedenim dokumentima i inicijativama. Učesnici će imati i priliku raspravljati o iskustvima i razmjenjivati znanja o dobrim praksama, inovativnim rješenjima i pristupima upravljanju otpadnim vodama.

Podršku realizaciji konferencije pružaju: